

閩媛典第二百十六卷

閩節部列傳九十八

明九十三 周京妻李氏 胡守利妻朱氏

按曹州志李氏周京妻年二十二而寡矢志撫孤成立子尋喪再撫三歲遺孫備歷凶荒志節益厲年六十卒 按曹州志朱氏胡守利妻年二十三夫亡矢志不二養老撫孤年八十卒州守旌之

趙汝惺妻孫氏 李雲程妻龐氏 王氏附 吳道烜妻李氏

按曹州志孫氏趙汝惺妻年二十三而寡砥節孀居撫孤成立年七十餘卒州守旌之 按曹州

志龐氏李雲程妻年二十九夫亡程弟雲桂妻王氏年十九亦寡娣姒同心苦守不渝稱雙節

按曹州志李氏吳道烜妻年二十而寡無子守節三十餘年卒州守旌之

張敬妻桑氏 陳氏李氏附 吳棣妻李氏

按曹州志桑氏張敬妻年十九而寡無子敬弟敏妻陳氏年二十而寡妯娌共守節陳復以己子文煥嗣敬文煥又早喪妻李氏年二十五事二老終身 按曹州志李氏吳棣妻年十八夫喪無子

守節六十年卒

吳構妻陳氏

吳道炆妻賈氏

趙廷對妻高氏

按曹州志陳氏吳構妻年二十五而寡守節撫孤教子讓產宗族稱賢年七十餘卒

按曹州志

賈氏吳道炆妻年二十二夫亡守節撫孤年荒餓死

按曹州志高氏趙廷對妻年二十一而寡

無子守節終身

白安妻梁氏

龐國順妻李氏

劉汝義妻聶氏

按曹州志梁氏白安妻年二十而寡無子守節事親盡孝州守旌之

按曹州志李氏龐國順妻

順死不嫁撫孤孀居五十餘年卒州郡交旌之

按曹州志聶氏劉汝義妻義早夭氏年二十撫

遺孤成立孀居六十年州守旌其門

吳加第妻范氏

吳加會妻邢氏

郝引昌母侯氏

按曹州志范氏吳加第妻年二十三而寡家貧無子艱苦守節年七十五以歲荒絕食死

按曹

州志邢氏吳加會妻年二十二夫死家貧無子守節以歲荒絕食死

按曹州志侯氏郝引昌母

年十八而寡撫孤不嫁七十而終

李盈豆妻王氏

李丁繼室劉氏

王弘德妻柴氏

按曹州志王氏太學生李盈豆妻年二十五而寡無子守節年七十六卒州守旌之

按曹州志

劉氏鄉官李丁繼室丁亡氏無子撫前子及孫甚慈愛孀居四十餘年內外歌詠其德

按曹州

志柴氏王弘德妻年二十而寡撫三歲孤不改節年七十卒

吳道炷妻許氏

吳九通妻鮑氏

吳九崇妻劉氏

按曹州志許氏吳道炷妻年十七夫亡撫七月孤不嫁年荒餓死

按曹州志鮑氏吳九通妻年

十九夫死撫孤孀居終身不貳

按曹州志劉氏吳九崇妻年十八夫死無子守節年荒餓死

陳登妻吳氏

王自誠妻吳氏

朱光顯妻程氏

按曹州志吳氏陳登妻年二十九而寡家貧守節四十餘年遇荒絕糧死

按曹州志吳氏王自

誠妻年二十一而寡守節二十年遇荒餓死

按曹州志程氏朱光顯妻年二十五而寡養老撫

孤一節終身

聶望妻羊氏

何明妻朱氏

吳道灼妻葛氏

按曹州志羊氏聶望妻年二十而寡守節撫孤年七十卒

按曹州志朱氏何明妻年二十而寡

守節終身州守旌表

按曹州志葛氏吳道灼妻年十九而寡甘貧守節年荒餓死

丁大卿妻王氏

郭廷蘭妻張氏

張炤元妻龐氏

按曹州志王氏丁大卿妻年十九夫亡子方七月家無長男氏茹苦撫孤秉節終身

按曹州志

張氏諸生郭廷蘭妻年二十九而寡守節撫孤年八十卒

按曹州志龐氏張炤元妻年二十一

夫亡遺孤方襁褓繼姑悍厲氏奉老撫幼孝慈兩盡孀居五十一年

王加勉妻張氏

吳椅繼室張氏

按曹州志張氏王加勉妻年二十而寡撫一歲孤守節終身

按曹州志張氏太學生吳椅繼室

年二十一而寡無子守節二十餘年

王自富妻邵氏

按曹州志邵氏王自富妻氏生一子永泰妾生二子未幾妾殂夫亦繼沒氏撫育二子無異己出永

泰早歲入庠仰體母心訓弟成立一門四十餘口三世同居各無間言州守旌表

劉塹妻成氏

劉國彥妻姬氏

徐洛妻王氏

按曹州志成氏諸生劉塹妻年二十二而寡守節撫孤養舅姑終老

按曹州志姬氏劉塹子國

彥妻年十九而寡撫三歲孤同姑孀居終身不移州守旌表

按曹州志王氏徐洛妻年十九而

寡子女俱無終養孀姑守節五十餘年奉詔旌表

徐成龍妻班氏

張嘉行妻馬氏

張三友妻張氏

按曹州志班氏徐成龍妻年二十而寡奉姑撫孤從一而終州守旌表

按曹州志馬氏張嘉行

妻年二十五而寡家貧子穉守節終身

按曹州志張氏張三友妻年二十而寡養老撫幼孀居

四十餘年卒

許然妻路氏

劉弘化妻李氏

徐有政妻魯氏

按曹州志路氏許然妻天啟間白蓮倡亂然從戎陣亡氏年二十餘矢志不嫁養老撫孤之死靡他

州守旌表

按曹州志李氏劉弘化妻年十九而寡無子守節不移七十六歲卒

按曹州志

魯氏徐有政妻年二十二而寡甘貧守節撫二歲孤成立州郡並旌之

程應龍妻薛氏

程應麟妻劉氏

趙世貴妻朱氏

按曹州志薛氏程應龍妻年二十三而寡養老育姑孀居四十五年卒

按曹州志劉氏程應麟

妻年十九而寡同姒孀居終身如一督學旌之

按曹州志朱氏趙世貴妻年二十七而寡矢志

撫孤從一終老

張思孟妻王氏

李臺妻程氏

晁鴻儀妻王氏

按曹州志王氏張思孟妻年二十二而寡奉姑撫孤不辭艱辛州郡旌表

按曹州志程氏李臺

妻年二十餘而寡無子不嫁孀居五十餘歲卒

按曹州志王氏晁鴻儀妻年十八而寡無子守

節奉姑終身州守旌表

馬健繼室劉氏

朱文英妻張氏

孫祖從妻劉氏

按曹州志劉氏光祿寺署丞馬健繼室年二十五而寡矢志撫孤一節終身州守旌表

按曹州

志張氏朱文英妻年二十二而寡孝事翁姑撫訓遺孤守節四十餘年卒州守旌之

按曹州志

劉氏孫祖從妻年二十而寡養老撫孤克盡慈孝州守旌之

李過妻李氏 馬住妻趙氏 趙文登妻司氏

按曹州志李氏李過妻年十九而孀撫遺腹子振又早夭振婦某氏年甫十七與姑共孀居均年逾八十卒 按曹州志趙氏馬住妻年二十三而寡家貧無子父母欲嫁之誓死不從年七十卒

按曹州志司氏趙文登妻年十八夫死無子家貧從一而終

鄧邦俊妻王氏 林邦田妻王氏

按曹州志王氏諸生鄧邦俊妻年二十二夫喪奉姑訓子孀居七十年卒州郡並旌之 按曹州志王氏林邦田妻年二十四夫亡家貧子幼姑病翁盲氏奉老撫幼始終一節年八十七卒

余應鰲妻張氏 樊玉衡妻余氏

按曹州志張氏余應鰲妻年二十二而寡撫孤不嫁歷四十餘年卒 按東昌府志余氏黃岡進

士樊玉衡妻衡兩令商崑清介安貧而沒氏矢志苦節四十餘年撫夫弟玉衡之子維孝爲嗣天啟六年建坊旌表

古今圖書集成
呂志學妻劉氏 王弘道妻李氏 尹逢吉妻耿氏

按聊城縣志已上三婦俱守節旌表事實不傳

王汝訓繼室蕭氏

按聊城縣志蕭氏王恭介汝訓繼室性端貞恭介一塵不染服官四十年室人不衣帛及捐館舍氏年二十餘上事垂白老姑下撫嗣子克盡慈孝遺田不過百畝紡績茹素以資朝夕年八十餘卒旌表

蔣炳信妻劉氏 陳時見妻王氏

按聊城縣志劉氏蔣炳信妻生二子信亡氏年十九家貧茹糠粃苦守二子成立食貧終身年八十七卒 按聊城縣志王氏諸生陳時見妻見早亡氏茹苦守節撫養二子次子贊化登天啟壬戌進士清正立朝官都察院左副都御史王贈太孺人奉詔建坊旌表

鄭懷祥妻郝氏 孫繼光妻李氏

按聊城縣志郝氏鄭懷祥妻年二十六夫亡孀居育子成立壽八十八終 按聊城縣志李氏孫

繼光妻夫亾守節郡縣表其門

鄧守洪妻張氏

按聊城縣志張氏諸生鄧守洪妻洪早亾張痛哭勺水不入口八日親戚強勸乃曰吾先世胡霍兩姑皆苦節吾當事之泉下復以子女尙幼賴撫養爲勸乃食寒夜紡績燈花常結宛然一節字長子秉豫登武科次子秉觀諸生女適許繼岳守節早世

李定民妻殷氏

李三江妻張氏

宋氏附

江至靜妻丘氏

按聊城縣志殷氏威將軍李定民妻夫亾守節終身

按聊城縣志張氏李三江妻夫死無子江

弟三變妻宋氏生二子時亨遇亨變亦早沒二寡並苦孀終老郡縣旌其門

按朝城縣志丘氏

博平縣御史丘文學女年十四歸官生江至靜期年夫亾絕食七日幾自盡僕婦救甦閉門修行苦節六十二年以壽終奉詔建坊旌表

張勤妻劉氏

劉世卿妻李氏

謝焯妻葛氏

按朝城縣志劉氏張勤妻年二十夫亾守節五十餘年

按朝城縣志李氏劉世卿妻年十九夫

亾矢志靡他年七十五終

按朝城縣志葛氏廩生謝焯妻年二十七夫以應試身亾氏柏舟自

矢訓子以繼夫業備履艱辛勤儉不改子俊長入庠序氏年六十一終

李芳善妻鞏氏

按朝城縣志鞏氏李芳善妻年二十六夫亡老姑幼子交危其心民事姑以孝晨昏曲體姑意姑沒兄公貧氏獨力殯葬克盡其禮撫育幼孤冰霜自矢子長惟令讀書家日寢嘗減食以供其學一出入必令告一言動必使謹每自學歸必考問所學程課辛苦百端心堅如一竟以憂瘁病亡其子業克承親志勉力爲學應甲午歲薦

岳爾完妻邵氏

邵林妻高氏

高必盡妻黃氏

按朝城縣志邵氏岳爾完妻年十八適完生一子未周夫亡紡績度日矢志靡他訓子中環入庠孫鎮早年食餽婦居四十餘載以壽終

按朝城縣志高氏邵林妻年十七適林閨數載林疾氏焚

香祝天願以身代及沒毀容守節誓不他適歷四十餘載始終如一訓二子俱入庠卒年七十有四

按萊陽縣志黃氏諸生高必盡妻夫亡氏年二十苦節四十年卒

孫玉成妻楊氏

王業永妻孫氏

呂九式妻趙氏

按萊陽縣志楊氏諸生孫玉成妻成沒氏年二十二撫孤子遴選成立孀居五十年壽七十二卒

按萊陽縣志孫氏諸生王業永妻永亾無子氏柏舟自矢紡績苦守至老不渝
按萊陽縣志趙氏呂九式妻年十八夫亾守節撫遺腹子斗光爲諸生有司表其閭

張允琦妻姜氏

于晶妻隋氏

趙燭妻羅氏

按萊陽縣志姜氏張允琦妻年二十六夫亾無出嗣子又天癸熒苦節至老不渝
按萊陽縣志隋氏于晶妻夫亾氏年二十四遺孤方六月苦志堅守卒年八十有二子若孫皆入黌序
按萊陽縣志羅氏趙燭妻夫亾苦節五十餘年撫孤維楨入黌序以孝聞

王科妻尹氏

左懋實妻姜氏

高凌雲妻孫氏

按萊陽縣志尹氏王科妻科亾氏年二十勵志撫孤年九十八猶躬督諸孫讀書爲黌序名流
按萊陽縣志姜氏左懋實妻年十九夫亾教子司直入泮又亡撫孤孫三俱成立苦節七十餘年
按萊陽縣志孫氏諸生高凌雲妻凌雲亡氏苦節五十年終

黃道恒妻孫氏

黃五行妻徐氏

于學信妻邵氏

按萊陽縣志孫氏黃道恒妻夫亡守節三十年教子成立不墜家聲

按萊陽縣志徐氏黃五行

妻事姑孝事夫謹姑與夫相繼沒子方穉弱氏舉一喪人稱其難後值暴雨水溢母墓氏號泣呼天水爲逆流有不肖欲奪孤產氏以死守終克保全

按萊陽縣志邵氏于學信妻年十九夫亡苦

守終身

丁大來妻高氏

辛啟升妻于氏

王偁妻曲氏

按萊陽縣志高氏丁大來妻夫亡氏年二十三守節四十餘年

按萊陽縣志于氏辛啟升妻夫

亡守節五十年撫子汝珂入黌序

按萊陽縣志曲氏王偁妻夫亡守節事姑邵氏至孝

劉國琦妻王氏

咸應召後妻呂氏

按萊陽縣志王氏劉國琦妻夫亡守節三十八年教子烝食廩餼知名

按萊陽縣志呂氏咸應

召後妻夫亡守節四十年撫前室子轅爲諸生

修念妻劉氏

趙啟鑰妻姜氏

按萊陽縣志劉氏修念妻年二十夫亡撫孤成立有孫十人長爲諸生 按萊陽縣志姜氏趙啟

鑰妻夫亡堅貞守節五十餘年天啟間旌表

左懋印妻子氏

按萊陽縣志于氏諸生左懋印妻夫亡氏年十九子三齡苦節五十七年艱苦備嘗卒撫幼孤成立諸孫繁衍有司表其閭後子敦生廬墓馬山之陽三年孝聞於鄉

趙光輝妻竇氏

白氏商氏翟氏呂氏附

按山西通志竇氏趙光輝妻太原人輝亡竇氏矢志事親終老撫子及孫成立俱夭折長子家珍娶白氏次子娶商氏仲孫永寧娶霍氏季孫永健娶呂氏並守節如竇五世一堂天啟間旌表

喬鳳鳴妻田氏

兩婦附

張國泰妻王氏

按山西通志田氏生員喬鳳鳴妻太原人夫亡氏年二十八遺孤彬彬俱幼穉氏守之長爲婚娶未幾彬彬相繼夭兩婦俱陳氏共苦節誨孤孫歷四十餘年旌表 按山西通志王氏省祭張國泰

妻太原人性柔靜夫亡無子止一女家人利其產議更嫁氏抱女號哭柩前晝夜不絕聲議者斂戢

苦守四十餘年

王冲妻劉氏

按山西通志劉氏孝子王冲妻大同陽城人冲年十九從父淑陵官京邸病亾氏年十七方妊聞訃自縊家人救甦姑慰曰遺腹倘男王氏一綫不絕汝顧不念此耶氏意稍解及生子元禎遂矢志撫子成立孀居四十五年天啟間奉旨建坊旌表

張應可妻楊氏

靳時中妻韓氏

按山西通志楊氏張應可妻絳州人夫亡氏年二十五事翁姑終老撫子成立歷艱苦四十餘年
按山西通志韓氏靳時中妻絳州人夫亡氏年十七矢志苦節不苟言笑家貧一葦簞臥六十年撫孤克立

張貴卿妻姚氏

二王氏姚氏附

陳玪妻申氏

按山西通志姚氏張貴卿妻絳州人卿弟有二妻並王氏婦姚氏皆盛年苦節如出一轍有司旌表
按山西通志申氏陳玪妻平陽安邑人年二十九夫亾姑老子穉族人利其產逼令改嫁氏數日不

食斷一指示志

吳三樂妻李氏 郭孔偕妻張氏

按山西通志李氏吳三樂妻安邑人年二十一夫亡守節終身撫姪爲嗣未三歲而殤姒王氏恚曰爾命無兒致吾兒夭折詬罵年餘氏輒遜謝曰我命誠苦兒真可惜終不與校苦守終身 按山西通志張氏郭孔偕妻安邑人年十四歸郭越大載夫亡無子女以女紅度日事孀姑極孝姑沒以禮葬富民景某欲娶之不從守節六十二年有司旌表

王永明妻劉氏 路檀妻馬氏

按山西通志劉氏王永明妻安邑人夫亡家貧如洗傭身葬夫孀姑周氏年九十無養亦賴傭以給姑老怯寒夜抱其背臥至送其終經營益慘事聞縣令表其門每季給以粟布 按山西通志馬氏生員路檀妻安邑人年二十夫亡撫遺腹艱苦萬狀守五十餘年有司賑以廩粟旌之

劉寓仁妻謝氏 張懋才妻柴氏 裴衷妻周氏

按山西通志謝氏生員劉寓仁妻安邑人少寡撫遺腹子允寬家貧甚無翁姑兄弟可倚艱苦萬狀

紡績教寬讀書爲增廣生學使旌表

按山西通志柴氏生員張懋才妻安邑人事親至孝姑臥

病經年勤事不懈撫姪如子呂宗伯旌其門

按山西通志周氏訓導裴衷妻安邑人年三十夫

亾事姑盡孝訓子君賜成壬戌進士奉詔建坊旌表

杜文會妻孟氏

張鈺妻陶氏

陶沐妻郝氏

按山西通志孟氏杜文會妻平陽絳州人年二十五夫亡子聰方二歲守之終身

按山西通志

陶氏張鈺妻絳州人夫亾氏年十九撫數月子源至死不變

按山西通志郝氏絳州人陶恭介

琰次子沐妻夫亡氏年二十四二子俱幼矢志苦守二十年卒

楊進高妻李氏

范芹妻李氏

趙世威妻張氏

按山西通志李氏楊進高妻絳州人夫亡氏年二十遺子未周家貧以女紅孝養寡姑馬氏守節五

十三年卒

按山西通志李氏范芹妻絳州人年二十四夫溺死撫三幼子成立上官旌其門年

踰八十卒

按山西通志張氏趙世威妻絳州人夫亡氏年十九撫六月子愷以紡績奉姑年九

十三卒